



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's affairs

Broj: 06-30-36011/21  
Sarajevo, 29.09.2021. godine

**Ernedina Suljagić**  
ul. Senada Fazlića br. 24  
71 210 Ilidža

**Ministarstvo unutrašnjih poslova**  
Uprava policije  
Ul. La benevolencije 16  
71 000 Sarajevo

**PREDMET: Odgovor na upit o primjeni** i tumačenju Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo, dostavlja se;

**VEZA:** Dopis, Ernedine Suljagić od 28.09.2021. godine

Ministarstvo za boračka pitanja Kantona Sarajevo je dana 28.09.2021. godine zaprimilo – od lica Ernedine Suljagić zahtjev za tumačenje, kojim se traži tumačenje odredbe člana 5. stav (1) Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", br. 37/20, 27/21) (u dajem tekstu: Uredba).

Iz zahtjeva Ernedine Suljagić proizilazi postavljanje slijedećeg pitanja:

- "Da li potvrda nadležne službe za zapošljavanje mora biti izdata nakon objave javnog oglasa" ?

U vezi postavljenog pitanja, dajemo slijedeći odgovor:

- Odredbama člana 5. stav (1) Uredbe propisano je da lica iz člana 3. Uredbe imaju pravo na prvenstvo pri zapošljavanju, **a na evidenciji su JU "Služba za zapošljavanje Kantona Sarajevo"**, ili su zaposlena na određeno vrijeme ili su zaposlena sa nižom stručnom spremom od one koju posjeduju.

**Uredbom nije određen period rokova starosti izdavanja dokumentacije kojom se dokazuje status nezaposlenog lica.**



Meritoran organ određivanja općih, posebnih uslova kao i potrebne dokumentacije sa rokovima izdavanja prilikom prijave na javni oglas je: **organ, ustanova ili pravno lice koje raspisuje javni oglas ili konkurs.**

U praksi postoje javni oglasi gdje poslodavci navode za lica koja se nalaze na evidenciji nezaposlenih u Kantonu Sarajevo, da potvrda nadležne službe za zapošljavanje mora biti izdata nakon objave javnog oglasa, tj. **“ne starija od dana objave javnog oglasa”**, te primjer jednog takvog Vam šaljem u prilogu ovog akta (ako bi ovako bilo navedeno u tekstu javnog oglasa, tek tada se potvrde koje su starije od dana javnog oglasa ne bi priznavale).

Drugi, organi pak navode: **“potvrda ne starija tri mjeseca od dana objave javnog oglasa”**. Dakle praksa u vezi ovog pitanja je različita.

Ernedina Suljagić je konkurisala na Javni oglas za popunu upražnjenih radnih mjesta namještenika na neodređeno vrijeme u Ministarstvu unutrašnjih poslova Kantona Sarajevo, **Javni oglas broj: 05-1-90-1-3343 od 30.06.2021. godine.**

Uvidom u navedeni Javni oglas utvrđeno je da **nisu navedeni rokovi** izdavanja potrebne dokumentacije u cilju dokazivanja statusa nezaposlenosti kandidata, pa samim tim smatramo neosnovanim tražiti od kandidata nešto što nije navedeno u samom Javnom oglasu.

Uz svoje traženje tumačenja Uredbe, gđa. Ernedina Suljagić je dostavila u prilogu mišljenje ovog ministarstva upućeno JU “Dom Zdravlja Kantona Sarajevo”, navodeći da je isto bilo razlog njenog odbijanja.

Ministarstvo za boračka pitanja Kantona Sarajevo je aktom broj: 06-30-18435-1/21 od 27.04.2021. godine, odgovorilo JU “Dom Zdravlja Kantona Sarajevo” na **konkretno postavljeno pitanje** koje se striktno doticalo i odnosilo na navedenu Ustanovu.

Odgovor **nije bio generalnog karaktera**, tako da se drugi, organi, pravna lica i ustanove ne mogu pozivati na isti prilikom validnosti rokova važenja dokumentacije njihovih kandidata.

Odgovor je ministarstvo za boračka pitanja uputilo JU “Dom Zdravlja Kantona Sarajevo” iz razloga **specifičnih okolnosti** i postavljenog pitanja, koje je vezano za taj konkurs, sve u prevenciji spriječavanja pojave zapošljavanja lica koja su već u radnom odnosu tek nekoliko mjeseci, a dostave potvrde sa biroa starijeg datuma, jer intencija Uredbe nije, kako znamo, u tom smjeru da se zaposle već zaposlena lica.

S poštovanjem,

**Prilog:** Javni oglas, primier


**Obradio :** Hašim ~~Halilović~~, dipl. pravnik

**Kontrolisala :** mr. ~~Beina Adilović~~

**Dostaviti:**

-Naslovu 2x,

ea/a.



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012,  
Fax: + 387 (0) 33 562-251

Sarajevo, Reisa Džemaludina Čauševića 1

